

PATRIARCHATUS CONSTANTINOPOLITANI. 227

EUAZA Hieroclis Notit. Olympius Euazorum Episcopus Concil. Chalced. Act. 1. & Eutropius in Ephesino. Eidem ordinatus fuerat Ecclesiæ Bassianus, ut Concil. Chalcedon. Act. 11. *Εὐαζηνός* scripsit Basilius Mag. Ep. 72. quam ad Euaza pertinere existimo, ut *Εὐαζηνός* potius isthic legendum sit. **LUCAS HOLSTENIUS.**

AREOPOLIS Hierocli, *Ἀρδιόπολις* in Ephes. Latroc. Anastasius Areopolitanus, in Græco *Ἀρδιόπολις*, sed hic Palæstinæ 3. fuit Episcopus. vide infra in Palæst. tertia. **LUCAS HOLSTENIUS.**

TEMNUS Ptolem. & aliis. Item Hierocli, qui malè *Τέμνος* pro *Τήμνος* scribit. Eustathius ejus Episcopus commemoratur Concil. Chalced. Act. 6. ubi malè itidem *Τέμνος* pro *Τήμνος* scribitur. Et sic jam olim vetus interpres Latinus MS. Temeni vertit. **LUCAS HOLSTENIUS.**

ARGIZA vel Argiza Hierocli: Proclus *Ἀργίζων* Episcopus subscripsit Conc. Chalced. Act. 6. MS. Latin. antiquis. Argilon vertit. **LUCAS HOLSTENIUS.**

1 **AURELIOPOLIS** Notitiæ antiquæ Græcæ, quæ & Aurelianopolis dicitur. Quibusdam in Lydia est Asiæ finitima, sed certiùs in Provincia Asiæ locandam esse censeo cum Notitia Græca, quæ facit eam Ephesinæ Metropolis Suffraganeam. *Joannes* Aurelianopolis Episcopus subscripsit Concilio Ephesino.

NYSSA Ptolem. lib. 5. cap. 2. adhuc *Nisa* dicitur. *Theodotus* Episcopus Nyssæ subscripsit Conc. Ephesino act. prima inter Episcopos Asiæ, & *Mæonius* Chalcedonenfi.

METROPOLIS Ptolem. ibid. 2 *Marcellinus* hujus Episcopus subscripsit Conc. Chalced. act. prima inter Episcopos Asiæ.

3 **VALENTINIAPOLIS** Georgio Alexandr. in vita D. Chrysostomi, Asiæ civitas, cujus Episcopus *Thomas* act. 1. Conc. Chalced. subscriptus legitur.

4 **ANINETUM**, civitas Ortelio in suo Thesauro Geographico, à qua Aninates populi Notitiæ antiquæ Græcæ. Aninatum habet Leunclavius. *Theodorus* Episcopus Anineti subscripsit Concilio Ephesino, necnon *Mama* Aninetensis Conc. Chalcedonenfi.

PERGAMUS Ptol. lib. 5. cap. 2. vulgò *Pergamo*. 5 *Dracontii* hujus Episcopi meminit Socrates hist. Eccles. 1. 2. cap. 32. & *Philippus* Concilio Ephesino subscripsit.

6 **ANÆA** Scylaci in Periplo & dictæ Notitiæ. *Modestus* Aneorum Antistes subscripsit eidem Conc. Ephesino.

PRIENE Ptol. ubi suprà, vulgò *Palatia*. 7 *Theosebius* ejus Episcopus subscripsit Concilio Ephesino.

ARCADIOPOLIS Notitiæ antiquæ Græcæ. 8 *Alexander* hujus Episcopus subscripsit Concilio Ephesino, necnon *Chrystophorus* Arcadiopoleos Asiæ Provincie collationi octavæ Synodi generalis V.

9 **NOVA AULA** eidem Notitiæ. *Philippus* Novæ Aulæ, quæ & *Theodosiopolis*, Episcopus subscripsit Concilio Chalced. act. prima.

ÆGEA Stephano Ætolie in Asia civitas, alias Egara dicta. *Cyriacus* Ægeæ Antistes inter Episcopos Asiæ in Concilio Chalcedonenfi subscriptus legitur.

ANDERA Asiæ oppidum Concil. Nicæno, sed Stephano in Troade, & Plinio in Phrygia est. *Paulus* Anderensis dicto Concilio subscripsit.

SION Notitiæ antiquæ Græcæ. *Nestorius* Sionis Episcopus subscripsit Concilio Ephesino.

F f 2

1 FA-

NOTÆ LUCE HOLSTENII.

1 *Aureliopolis &c.* In subscriptionibus Concilii Nicæni Antiochus Aureliopolitanus ponitur inter Episcopos Lydiæ sub Sardicensi Metropoli in MSS. antiquis. nam in vulgato Codice Canonum non habetur.

2 *Marcell. hujus Ep. subsc. Conc. Chalced. Act. 1.* inter Ep. Asiæ] & Act. 6.

3 *Valentiniapolis* [Valentinianopolis, ut Palladius in Dialogo de vita S. Jo. Chrysostomi cap. 13. & 14. ubi Eusebium ejus Episcopum commemorat.

4 *Aninetum &c.* Aninatum habet Leunclavius] Hierocli Anineta &c. Græcè *Αννίτα*.

5 *Dracontii &c.*] Eutropius in Chalcedonenfi Act. 6. commemoratur.

6 *Anæa*] Anæa [Notitiæ] Hierocli Eneæ &c. Zoticus *Ἀννίας* Chalced. Act. 6. ubi MS. Latin. antiq. Aneorum.

7 *Theosebius &c.*] Isidorus Chalced. Act. 6.

8 *Alexand. hujus Ep. subscr. Conc. Ephes.*] Gerontius Chalced. Act. 6.

9 *Nova Aula &c. quæ & Theodosiopolis*] sunt omnino diversæ. vide pag. seq. [*Philippus &c. subsc. Conc. Chalced. Act. 1.*] simpliciter Act. 6.